

SAMSTARFSYFIRLÝSING

Samgöngu- og sveitarstjórnarráðuneyti vegna Jöfnunarsjóðs sveitarfélaga, félagsmálaráðuneyti, Samband Íslenskra sveitarfélaga og Öryrkjabandalag Íslands gera með sér eftirfarandi samkomulag um samstarf. Um er að ræða áttak sem felur í sér hvatningu til sveitarfélaga um að vinna markvisst að úrbótum í aðgengismálum í samræmi við stefnu og framkvæmdaráætlun í málefnum fatlaðs fólks fyrir árin 2017 til 2021. Mikilvægt er að fatlað fólk hafi aðgengi að samfélaginu til jafns við aðra og sveitarfélögin á Íslandi gegna lykilhlutverki við að ná því markmiði.

Fyrir liggur m.a.:

- Að skv. aðgerð A.3 í framkvæmdaráætlun skal hvetja til þess að opinberir aðilar skipi aðgengisfulltrúa og að hlutverk þeirra verði að sjá til þess að gerðar séu úttektir á aðgengi, þ.e. á þjónustu og starfsemi viðkomandi aðila í víðum skilningi. Leiði úttekt í ljós að úrbóta sé þörf hlutist aðgengisfulltrúi til um að gerðar séu tímasettar áætlanir um úrbætur.
- Að skv. aðgerð A.6 í framkvæmdaráætlun ber að vinna að því að leið fatlaðs fólks verði greiðari á milli staða dagsdaglega. Það verði gert m.a. með því að bæta aðgengi að biðskýlum og almenningsvögnum, á biðstöðvum sjáist skýrt hvenær næsta vagns er von, í vögnum verði afmörkuð svæði fyrir hjólastóla o.fl. Þá verði áætlunarleiðir milli landshluta aðgengilegar fötluðu fólki með sama hætti og almenningssamgöngur innan sveitarfélaga.
- Samkvæmt nýrri reglugerð um Fasteignasjóð Jöfnunarsjóðs sveitarfélaga er stuðningur til sveitarfélaga vegna úrbóta sem gerðar eru í aðgengismálum fatlaðs fólks stóruaunn. Sérstaklega er kveðið á um að Fasteignasjóði sé heimilt, á árunum 2021 og 2022, að úthluta samtals 363 m.kr. í sérstök framlög til:
 - Úrbóta á aðgengi fatlaðs fólks að byggingum í eigu sveitarfélaga eða þar sem um er að ræða byggingar í eigu annarra aðila en sveitarfélaga þar sem um samvinnuverkefni sveitarfélaga og einkaaðila er að ræða.
 - Úrbóta þannig að biðstöðvar almenningssamgangna séu aðgengilegar öllu fötluðu fólki, svo og útivistarsvæði og almenningsgarðar.
 - Úrbóta sem lúta að viðeigandi aðlögun á vinnustöðum fatlaðs fólks, sem starfræktir eru skv. 2. mgr. 24. gr. laga nr. 38/2018, um þjónustu við fatlað fólk með langvarandi stuðningsþarfir.

Aðilar eru sammála um að mikilvægt er að fylgja þeim úrbótatækifærum og markmiðum vel eftir sem framkvæmdaráætlun skilgreinir á sviði aðgengismála og tryggja jafnframt að sveitarfélög séu bæði upplýst um og nýti sér eftir atvikum jafnframt þann stuðning sem stendur til boða úr Jöfnunarsjóði sveitarfélaga á komandi misserum.

Fyrirkomulag samstarfsins er með eftirfarandi hætti:

- Samstarfsteymi skipað fulltrúum allra aðila verði komið á fót til að annast samskipti, miðla upplýsingum og meta árangur áttaksins. Þá mun teymið einnig fjalla um einstök verkefni sem unnin eru innan ramma opinberra aðgerða- og framkvæmdaáætlana og varða aðgengi í víðum skilningi.



- Félagsmálaráðuneytið mun fylgja eftir fyrrgreindri aðgerð A.3 m.a. með aðkomu að verkefni sem þróað er í samvinnu við Öryrkjabandalag Íslands og Samband Íslenskra sveitarfélaga og snýr að ráðningu námsmanna til sumarstarfa 2021 (og eftir atvikum 2022). Þeir sem ráðnir verða er ætlað að vinna að aðgengismálum hjá sveitarfélögunum. Áherslan í þessu verkefni er fyrst og fremst á manngert umhverfi.
- Jöfnunarsjóður sveitarfélaga mun vinna sérstaka upplýsingagátt þar sem finna má leiðbeiningar og umsóknareyðublöð fyrir styrki.
- Samband Íslenskra sveitarfélaga mun vekja athygli sveitarfélaga á áttakinu og þeim möguleikum sem standa til boða í tengslum við framlög úr Jöfnunarsjóði sveitarfélaga.
- Öryrkjabandalag Íslands mun, með stuðningi úr Jöfnunarsjóði sveitarfélaga, ráða tímabundið sérstakan verkefnisstjóra sem:
 - verður í samskiptum við sveitarfélög vegna átaksins og miðlar upplýsingum til þeirra eins og við á.
 - vinnur eftir atvikum að mótun tillagna í samstarfi við aðgengisfulltrúa og aðra sem ráðnir eru til þess að sinna aðgengismálum einstakra sveitarfélaga um verkefni sem gætu verið vel til þess fallin að falla undir styrkveitingu Jöfnunarsjóðs, og komi jafnframt að gerð umsókna.

Tímabil verkefnisins er frá 22. maí 2021 til 31. desember 2022. Við lok þess verði árangur metinn og ákvörðun tekin um frekara samstarf á þessu sviði.

Reykjavík, 7. maí 2021

F.h. Sambands Íslenskra sveitarfélaga

Formaður

Framkvæmdastjóri

Samgöngu- og sveitarstjórnarráðherra

Félags- og barnamálaráðherra

F.h. Öryrkjabandalags Íslands